

## CYNGOR BWRDEISTREF SIROL RHONDDA CYNON TAF

### PWYLLGOR TRWYDDEDU (YN GWEITHREDU YN UNOL Â'I SWYDDOGAETH O DAN DDEDDF TRWYDDEDU 2003)

**Cofnodion** o'r cyfarfod yn Swyddfeydd y Cyngor Bwrdeistref Sirol, Y Pafiliynau, Cwm Clydach a gafodd ei gynnal ddydd Mawrth 23 Ionawr 2018 am 4:30pm.

#### **YN BRESENNOL**

Y Cyngorydd Bwrdeistref Sirol A. Fox – yn cadeirio

#### **Y Cynghorwyr Bwrdeistref Sirol**

S.A.Bradwick	E. Webster
L. Jones	D. Williams
W.Lewis	T. Williams
S.Morgans	

#### **Swyddogion oedd yn bresennol**

Mr Paul Mee – Cyfarwyddwr Materion Iechyd a Diogelwch y Cyhoedd a Gwasanaethau Cymuned

Mr P. Nicholls – Pennaeth y Gwasanaethau Cyfreithiol – Gwasanaethau Ymglyfreitha, Cynllunio a'r Amgylchedd, Cymuned a Phlant

Mr G. Black – Rheolwr Cymunedau Diogel a Thrydodedu

#### **16. YMDDIHEURIADAU**

Daeth ymddiheuriad am absenoldeb gan y Cynghorwyr Bwrdeistref Sirol A. Cox, P. Howe ac S. Powderhill.

#### **17. DATGAN BUDDIANT**

Doedd dim datganiadau o fuddiant personol yn ymwneud â'r agenda.

#### **18. DEDDF HAWLIAU DYNOL 1998 A'R DDEDDF TROSEDD AC ANHREFN**

**PENDERFYNWYD** – Nodi: Pan fydd Aelodau'n ystyried y materion trwyddedu a chofrestru sydd ger eu bron, mae dyletswydd arnyn nhw i beidio â gweithredu mewn modd sy'n anghydnaws â'r confensiwn ar Hawliau Dynol a'r Ddeddf Trosedd ac Anhrefn.

#### **19. COFNODION**

**PENDERFYNWYD** cadarnhau'r cofnodion o gyfarfod y Pwyllgor Trwyddedu (yn gweithredu yn unol â'i swyddogaeth o dan Ddeddf Trwyddedu 2003), a gafodd ei gynnal ar 10 Hydref 2017, yn rhai cywir.

## **ADRODDIAD CYFARWYDDWR MATERION IECHYD A DIOGELWCH Y CYHOEDD**

### **20. ADOLYGIAD O DDEDDF TRWYDDEDU 2003 AC O DDEDDF GAMBLO 2005**

Cyflwynodd Cyfarwyddwr Materion Iechyd a Diogelwch y Cyhoedd a Gwasanaethau Cymuned ei adroddiad chwarterol i'r Pwyllgor ar faterion perthnasol o ran Deddf Trwyddedu 2003 a Deddf Gamblo 2005, ynghyd â materion ategol sy'n codi o gyfrifoldebau'r Pwyllgor.

Cafodd ei adrodd bod nifer uwch o Hysbysiadau Digwyddiadau Dros Dro ('TEN') (Atodiad 1A) yn adlewyrchu nifer y digwyddiadau a oedd yn cael eu cynnal ar gyfer dathlu Calan Gaeaf, Noson Tân Gwylt, y Nadolig a chyfnod y Flwyddyn Newydd.

Rhoddodd y Cyfarwyddwr adroddiad ar ganlyniad y tri chais a oedd yn destun gwrthwynebiad ac un adolygiad oedd wedi ei benderfynu ers cyfarfod diwethaf y Pwyllgor. Cafodd ei chadarnhau y byddai delliant y ddwy apêl a gafodd eu cyflwyno yn ystod y cyfnod yma, yn cael eu hadrodd yng nghyfarfod priodol nesaf y Pwyllgor Trwyddedu (yn unol â'i swyddogaeth o dan Ddeddf Trwyddedu 2003).

Cyflwynodd Cyfarwyddwr Materion Iechyd a Diogelwch y Cyhoedd a Gwasanaethau Cymuned drosolwg o'r gwaith a gafodd ei gyflawni gan y carfanau Trwyddedu ar y cyd â Charfanau Trwyddedu yr Heddlu ledled Cwm Cynon, Cwm Rhondda a Thaf-elái yn ystod y cyfnod. Rhoddodd wybod i'r Pwyllgor bydd menter yn cael ei lansio ar ddechrau Mawrth 2018 ym Mhontypridd sy'n debyg i fenter y Bartneriaeth Alcohol yn y Gymuned yn y Porth, yn dilyn ei llwyddiant.

Cafodd manylion yr achlysuron hyfforddi amlasiantaeth a'r diwrnodau hyfforddi Swyddogion yr Heddlu eu rhannu gyda'r Pwyllgor, ac i grynhoi, rhoddodd y Cyfarwyddwr sicrwydd y byddai Swyddogion yn parhau i fonitro adennill ffioedd trwyddedau blynyddol. Gofynnodd y Pwyllgor am gael gweld yr amserlen hyfforddi fel bod ganddo ddealltwriaeth o'r hyfforddiant mae'r Swyddogion Trwyddedu yn ymgymryd ag ef.

O dan Ddeddf Gamblo 2005, rhoddodd Cyfarwyddwr Materion Iechyd a Diogelwch y Cyhoedd a Gwasanaethau Cymuned y newyddion diweddaraf i'r Pwyllgor am y gwaith gorfodi gan gadarnhau nad oes fawr o newid o ran sefyllfa Deddf Gamblo 2005 oherwydd natur sefydlog y fasnach, a chadarnhau bod adennill ffioedd blynyddol yn 100% o hyd.

Yn dilyn cwestiynau gan y Pwyllgor, a'r ymatebion gan y swyddogion perthnasol, **PENDERFYNWYD**:-

- I. Nodi cynnwys yr adroddiad mewn perthynas â **Deddf Trwyddedu 2003**, sydd wedi'i ddarparu er gwybodaeth;
- II. Dosbarthu manylion y sesiynau hyfforddi swyddogion i'r Pwyllgor Trwyddedu; a
- III. Nodi cynnwys yr adroddiad mewn perthynas â **Deddf Gambo 2005**, sydd wedi'i ddarparu er gwybodaeth;

**21. GWAHARDD AELODAU O'R WASG A'R CYHOEDD**

**PENDERFYNWYD** bod y cyfarfod yma'n cadw aelodau o'r wasg ac aelodau o'r cyhoedd allan o ystafell y cyfarfod, o dan Adran 100A(4) o Ddeddf Llywodraeth Leol 1972 (fel y'i diwygiwyd), yn ystod trafod yr agendwm nesaf, ar y sail y byddai'n debygol o olygu datgelu gwybodaeth eithriedig yn ôl diffiniad paragraff 13 o Atodlen 12A i'r Ddeddf, sef gwybodaeth ynglŷn ag unigolyn penodol. Mae eglurder wrth reoli busnes yr Awdurdod Lleol yn ddymunol; serch hynny, bydd data personol yn ymwneud ag ymddygiad a gallu unigolion yn cael eu trafod a'u hystyried. Ystyrir, felly, fod budd y cyhoedd wrth gynnal yr eithriad yn troi'r fantol yn erbyn budd y cyhoedd wrth ddatgelu'r wybodaeth.

**ADRODDIAD CYFARWYDDWR MATERION IECHYD A DIOGELWCH Y CYHOEDD SY'N CYNWYS GWYBODAETH EITHRIEDIG**

**22. DEDDF TRWYDDEDU 2003 – TRWYDDEDAU A CHOFRESTRIADAU A RODDWYD O DAN DDARPARIAETH PWERAU DIRPRWYEDIG**

Yn ei adroddiad, rhoddodd Cyfarwyddwr Materion Iechyd a Diogelwch y Cyhoedd fanylion am drwyddedau a chofrestriadau a roddwyd yn ystod y cyfnod 25 Medi 2017 tan 9 Ionawr 2018 o ran trwyddedau personol a thrwyddedau safleoedd. Yn dilyn trafod, **PENDERFYNWYD** nodi'r adroddiad.

**A. FOX  
CADEIRYDD**

Daeth y cyfarfod i ben am 4.45pm